

北京圖書館 編

北京圖書館藏珍本
年譜叢刊

第 192 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 192 冊



第一九二冊目錄

先烈謝飛麟先生年譜	一
思緘公年譜	二一
泗陽張沌谷居士年譜	四一
榆廬年譜	一〇九
含嘉室自訂年譜	一三九
先府君蕭公石齋年譜	二二三
苓泉居士自訂年譜	二四三
陳少白先生年譜	三一
太炎先生自定年譜	三二九
朱徵君年譜	四三一
一齋自編年譜	四九一
涉園七十年記略	六〇九
忍堪居士年譜	六八九

誄詞

張羣

嗚呼先生遺蛻行將永閉書來告言吉期已筮思維英質濁世之礪其軀可殘名疇能蔽粵初奮勵督師民仇同志伊誰曰徐與秋振動女教廩與佛說憐世昏庸以筆爲舌執心孔堅有氣不折欲令拘困一皆悟澈時賢姦尙式作人師陶鑄所加盡成世資奸頑逐利覬路強舐羣怨囂然謗議遽起於時先生足無停趾攘臂大呼雷霆入耳武昌丕變浙波亦騰先生之烈湯公是仍遂參幾務幹濟實稱願願未畢還歸紹興分府爰開宏綱手定執其機牙促摧北命形勞靡惜有首如蓬餐寢胥忘七晝夜同士服其教人藉其功一隅砥平利賴無窮百端粗創首重督計廣庇歎顏亦讀亦藝施極困倒取嚴芒細袍布垢污曾不重製遭時未合再起終傾潛於滬濱靜念觀經名固易逃心卒難死我道其真人曰予毀出口與戎事實兆矣奚不爲罪才必召災况於反噬禍始有胎澤不庇躬貨能奪性畜援馴伏至爲梟獍無害之文有形之穽歲迫窮期人亦殞命沈沈冤魄一去莫回化爲星辰神當往來伍胥餘怒猶作長濤我知先生鬱鬱無撓一杯今奠衣履乃輶下視江流上比峯高永永靡旣長範其操

祭文

陳成

維中華民國十四年六月二十八日門生陳成謹以清酌庶羞之奠遣弟公博致祭於飛麟謝夫子之靈曰嗚呼夫子厄於奸徒兇罹機阱生不能通上下以脫夫子之危迨聞噩耗則遠旅京華時逢易歲又不能星夜奔視以稍盡弟子之心去歲南來匆匆入川歸而遘病愈又赴召因循遷延迄不能一叩靈幃以追夙昔之愧歎今日

聞 夫子將安窆笈而期促事羈又不能親自執拂以審視窆穴從此泉台永閉形影長離欲憑棺一慟而不可得矣仰視長天奈何奈何嗚呼痛哉洄溯夫子生平無論道德文章典型後輩試舉夫創學校振民氣讓政位舉義師諸大端吾夫子豈有一毫之私意介乎其間耶居常講學談禪詩酒以陶情奉武以練體亦無非以利濟爲心欲人人皆能奮起至於一身之計則不爲斯須顧念冬不重裘食鮮兼味其刻苦實有人所不能堪者寓樓一角安步當車以夫子之自奉儉而取物約又豈有一事足干造物之忌耶迺因果竟爽而夫子卒見陷於自私自利之徒至不克終其天年以歿天心歟人事歟不可得而知之矣嗚呼痛哉 4 者西湖之濱一邱之土夫子之俠骨長埋矣月白風清星稀露冷之時傍無近侍語乏同心夫子其何以爲情耶冤誣未雪大仇未報此門弟子之深恥闕在後死烏敢追其責耶所望浩氣英光湖山並壽以陰福我鄉邦而庇蔭乎吾徒俾得遂夫子生平之志願此爲私情實屬公誼夫子其儻許也否耶嗚呼哀哉尙其來鑒

先烈謝飛麟先生年譜

門人陳成編

清同治六年（西一八六七）先生生

是年十一月二十四日戌時生於浙江嵊縣南鄉之江夏村

清同治十一年（西一八七二）六歲

先生初入塾讀書

外編

二一九

清光緒五年（西一八七九）十三歲

先生從從兄燮奎學於東鄉棠溪吳氏

清光緒八年（西一八八二）十六歲

先生因病輟學

清光緒九年（西一八八三）十七歲

先生初爲童子師

清光緒十三年（西一八八七）二十一歲

先生抱病鄉居訓蒙歷三四年至是始離鄉邑遊學於杭州西湖之崇文書院

清光緒十九年（西一八九三）二十七歲

先生自旅杭以後藉筆硯自給至是年乃入縣學

清光緒二十年（西一八九四）二十八歲

先生館於杭州西湖濱葉家女公子蓮英生是年秋清廷與日本宣戰清兵大敗 先總理在檀島創立興中會

清光緒二十一年（西一八九五）二十九歲

先生此時於館事餘暇吟咏遣興與葉季衍景毓華虞青士等結西冷吟社復從鄉先輩俞渭濱習拳技

清光緒二十七年（西一九〇一）三十五歲

春先生應歲試補廩膳生尋入貢仍館葉家冬 先生欲進浙江武備學堂納友人童亦韓何閔仙之勸未果遂應紹興東湖通藝學堂之聘

清光緒二十八年（西一九〇二）三十六歲

先生在東湖通藝學堂以教員而兼學東文體操

清光緒二十九年（西一九〇三）三十七歲

先生仍任通藝學堂教科

清光緒三十年（西一九〇四）三十八歲

先生回嶧應東鄉公學之聘並與周志由胡士俊趙柏棠周錫庚王季高袁志青張庭資張庭獻胡競思馮蘇張炳甫吳醉棠屠世效周杞園等結大同學社

清光緒三十一年（西一九〇五）三十九歲

先生創辦愛華女學於嶧城並兼任縣立學堂教科是年冬領導學生王炯武張星一吳在璿竹堯生張緒承黃道王新傑等赴杭州攷入安定廣濟杭府等校肄業

清光緒三十二年（西一九〇六）四十歲

先生又應陶溶宜之聘任紹興東湖通藝學堂監督時徐錫麟已辦大通學堂於紹府城聘嵇人姚定生爲校長秋瑾王季高竺紹康胡士俊等均在與先生時相過從互通聲氣力倡革命

清緒三十三年（西一九〇七）四十一歲

先生辭通藝校事入上海理科專修校與張劍花諸同志研究製造炸藥等術又佐秋瑾辦女報夏五月徐先烈錫麟在安慶舉義紹興之大通學堂被清兵圍捕秋瑾殉難於紹興城中軒亭口先生與王季高等同寓嵇縣公局清兵至王季高走避先生先出亦得免（是役也吾嵇革命同志之在大通學堂與在故鄉努力因而亡命或受重大嫌疑者先生以外有竺紹康王季高許畏三胡士俊競思應衛繫周志由黃杭時濟時呂衡沈志熙馮蘇周丙嘉杞園生丙夢生陳邦達張庭蕙庭獻尹銳志沈世芳徐吟秋俞季椿張伯岐王根棠夏喜生王潛菴貫雄規法增運敬祥等多人）暑假後仍返理化校時王季高竺紹康亦避難赴滬始與陳英士楊俠卿姚勇忱張同伯諸先烈相識乃共加入同盟會

清光緒三十四年（西一九〇八）四十二歲

先生在滬與陳英士姚勇忱張同伯竺紹康王季高呂鳳樵諸先烈作革命運動爲同盟會滬支部努力工作以機關爲端方偵探劉光漢所破壞張同伯被逮解南京滬上暗探密布先生乃暫回嵇重任東鄉公學教科旋又主持愛華女校時已有腦病手口常發顫

清宣統元年（西一九〇九）四十三歲

奉初將愛華女校事委託周丙熹主持而應章韵鐸俞補園之約赴滬任女報主筆秋間以父病歸里隨丁艱女報遂停辦十月赴紹助山陰勸學所總董孫伯圻君組織僧教育會於開元寺

清宣統二年（西一九一〇）四十四歲

爲僧教育會調查山陰會稽上虞嵊縣新昌各縣庵寺產業及其沿革在嵊時兼任宣講員秋初又與僧智清悟芬等創辦僧學堂旋浙路風潮起 先生爲文敬告維持會諸君又奔走滬杭間共籌對付之策

清宣統三年（西一九一一）四十五歲

夏初與紹興僧教育會長秉韜和尚赴滬參與留雲寺佛教大會遇諦閑法師遂拜爲師於五月初返紹卽派胡士俊盛鍾彥及成赴滬至馬霍路德福里一號與陳英士姚勇忱王季高諸先烈接洽以嵊縣鼎成藥房爲革命通訊機關（盛卽留滬學習製造炸彈光復杭州時敢死隊所用之炸彈盛同志手製者居多）八月武昌首義先生奉滬機關命在紹籌款九月初至杭潛居湧金門慶和街葉璋伯家（先生舊設館處）與諸同志規畫杭州起義事九月十五日杭州光復舉湯壽潛爲都督 先生被任爲軍政府總務科長辭不就湯督任王逸爲紹興軍政分府乃與王逸渡江至紹興 先生任分府總參議兼祕書長先練陸軍一標又令何旦編練紹河水師並飭巍峯和尚組織北伐僧兵一團又撥款創辦越中習藝所於紹興以馬北生同志等理其事辦貧民女工

廠於杭州以葉璋伯同志等理其事以期吳越間一部分民生問題與民族民權同時解決

民國元年（西一九一二）四十六歲

南北和議 先生認為革命不徹底曾扶病至南京謁黃留守陳說利害並上書數千言痛陳革命軍於北伐未成功以前不可裁遣終以大勢無可挽回乃憤然回紹結束紹興軍政分府集有志之士結一義俠團並組真正慈善會為社會革命之準備在分府結束期間每日抽暇一小時至軍隊演講三民主義並曉以大義服從省令故陸軍一標交省委俞公丹屏帶至甯波駐防紀律甚佳軍政分府結束後曾一度偕諦閑法師至北平與蒙藏留京名人發起蒙藏佛教聯合會冬間返滬養病

民國二年（西一九一三）四十七歲

先生養病在滬宋案發生力主討伐與 先總理主張相同本黨同志有主張法律解決者 先生斥為迂緩失機病中草討袁檄文披露於民權報後即子身回浙作討袁運動先入甬游說並暗約駐甬紹軍舊部於紹興發動時響應即轉紹令何旦所統紹河水師先發難聯合甯波舊部成討袁軍何旦惑於利祿陽奉陰違密報省方 先生幾被逮乃返滬再圖進行而贛寧皖粵淞滬相繼發動各處討袁軍雖皆失敗 先生仍積極進行以呂衡盛鍾彥胡士俊王炯武張劍耀馬逢伯錢嘉鎬張志南陳楚青王鑑庭諸同志為幹部圖最後之奮鬥夏初楚青在紹興嵊縣上虞之三界發難率討袁軍攻紹城失敗逢伯與錢竹安王潛庵等在嵊縣馬仁村集合季高奮

部起義亦失利秋間先生又遣鍾彥帶太批討袁檄及告浙將士文赴浙散發與杭州張雨蓀先生等聯絡並與某部軍隊接洽以袁發廷告密事洩鍾彥被逮在杭州殉難 先生益加痛憤繼遣士俊等運炸彈至紹成以別種任務會劫之炸彈船於餘姚後併船同運入紹興密藏在舊渡菴備渡江發難之用又爲叛徒謝才卿商方標告密破獲該菴道友被累入獄者數人余等幸免後遣張志南等在淞滬附近活動以叛徒陳子文告密被逮就義於製造局者又七人而呂衡同志又以黨人暗殺陳子文案爲人誣攀入西獄至是而 先生之革命勵力幾喪失殆盡

民國四年（西一九一五）四十九歲

夏六月王季高被浙督朱瑞誘殺於杭州未幾帝制議起 先生以同志王曉籟趙佩雄陳邦達辛素貞張淡烟及季高之母籌濟款項討袁工作又復活動購軍械造炸彈集同志積極進行陸軍學生呂暉等均於是時集合以呂暉任軍事以成兄妹（志璽）造炸藥後以炸彈專派周岱僧配造成任總務兼交際當時定浙東寧紹台溫處首先發難與寧屬陳泉卿將著卿范仰喬諸公聯絡外復有甯波警察隊邢啓周同志等來滬接洽在軍警方面活動台屬則有陳贊卿等担任招撫周永廣所部參加討袁而趙公澄志策令呂先烈鳳樵舊部呂月屏鎮中嶽西陳子俊等在處屬縉雲起義紹興則有老同志黃皆親競白許一飛等在紹興餘姚沿海一帶策動而浙西徐公忍茹等在嘉興一帶活動餘杭臨安亦不時派人聯絡於潛昌化及浙皖交界之千秋關一帶亦派錢竹菴

外 編

二二五

來載耕諸同志分路秘密組織爲攻打杭州時謀響應並預備從千秋關出發北伐也諸暨同志徐昔我傳聘之徐見心盧季頌蔣連三等在杭州其橋軍隊中及其諸暨本縣分頭活動吾縣除由胡士俊馬逢伯呂譯王潛菴規法增運沈曜黃袁杰張文農周岱僧等從事整理季高舊部爲討袁軍之組織外周志由趙鏡年錢龍一諸同志均紛紛來滬活動

民國五年（西一九一六）五十歲

自滇黔發難討袁兩粵繼起 先生亦積極籌備於三月上旬全部動員分頭回浙組織討袁軍三月終呂譯王潛菴等率便衣隊夾帶大批木壳鎗望遠鏡炸藥彈坏等爲最後一批之出發各備武器如遇檢查卽行抵抗而台屬之臨海寧海甬屬之奉化象山紹屬之餘姚諸暨嵊縣處屬之縉雲杭屬之餘杭臨安等處民軍均事前接洽約定於同一時間動作 先生擬親至紹首先發難乃由滬登輪至甬隨行者成兄妹而外有陳松鶴等及武裝便衣衛士數十人到甬波後 先生在輪中命成先登岸訪在甬同志范仰喬蔣著卿陳泉卿諸公見范公於其府中示成以甬杭消息以袁逆未死吾人宜澈底革命大家奮鬥到底等語相激勵並欲訪晤 先生成以秘密行動貴在迅速婉謝之卽隨 先生赴紹與塘灣暫以塘灣統捐局裘同志伯雍處爲臨時機關該處外通海道內通紹河離孫端僅三里距紹城不過三十里軍事上極便利此預定之計畫也成奉命入紹城約越鐸報社主筆王鐸中張辛齋諸同志至塘灣談話並向季高創辦之華光電燈公司經理張榮堂籌款（因此有謂後此

塘灣機關部被紹興駐軍襲擊係張告密者後晤張曾極力向余聲辯然商人惟利是圖有無終未易側度也

先生既在塘灣草檄擬電發號施令童濟時趙鏡年郭慶嵩黃幹王鐸中炯武錢簡胡士俊張淡烟辛齋緒承王增運馮逸諸同志均先後來會以餉械不足本省投機分子假革命不革命者對先生又加以壓迫先生乃命成赴滬與鈕公惕生接洽請求援助出發北伐並與趙鏡年同志訪謁殷公鑄夫徐公忍茹等請求協助當時鈕公都將何公嘉祿受鈕公之命在吳江獨立與蘇軍激戰在敗退中鈕公以先生部屬可否歸併何軍節制徵成意見成以此來原爲求北伐出路當然聽命等詞答之鈕公乃作書命成由內河嘉興王江涇至吳江一帶探呈何公接洽夜間舟過楊善德防地北兵上船檢查鈕公之信幾被搜出當時余自分必無生理乃竟得免事後思之誠大幸也過石湖蕩天已明近嘉善而胆益壯蓋已非楊防地而上船檢查者爲手纏白布着黑制服之浙水警雖在偽巡按使兼總司令之屈映光統治之下而吾黨同志在省垣已極活動鈕公又命成持書見王文慶同志協助先生部隊出發北伐既有鈕公之信料無危險於午刻抵嘉興與錢丹初同志至浙軍中探詢吳江方面戰訊謂何軍昨日已敗退在王涇江方面今已不知去向浙軍中多數勸余不必冒險前進然余既率鈕公之命而來先生又孤困在紹故急欲與何公見面得一辦法而後回紹覆命且先生經營數年訓練成功之多數同志於此時均困陷在不生不死之境若不謀出路將被假革命者摧殘以盡袁氏死灰或將復燃故僱一小舟由嘉興向王江涇進發稽查兵沿途阻止至將近王江涇步哨益密不能通過不得已折回嘉興將此

情形郵呈上海鈕公一面即赴杭乃到杭之日而向隨 先生革命之許鐵崖（即光復時紹分府之僧團長巍峯和尚）丁仲山與夏次岩三同志適爲屈氏所冤殺省城空氣惡劣旅杭同志勸余勿必逗留適 先生亦派金行蕊來促余兼程回嵎謂塘灣機關部已被紹城駐軍奉屈氏命令於某日黎明派隊襲擊同志有死傷者有逃亡者 先生坐船引避衛士苗仁等奮勇掩護手執雙槍聯珠還擊敵追益急互擊多時而 先生之船已早又江出險在某紳家避難矣又孫端警察所長某君（已忘其名）平時敬佩 先生維護同志故 先生得安然在該警區部署而駐紹軍隊來襲之消息亦先一時得該所長報告故軍隊到時 先生已上船余問金君先生何不從外江出海道而走內河金君曰 先生尚須鼓其勇氣策勵同志做討袁先從倒屈起之急進工作親自回嵎督率基本隊伍警與賊拚一死命現已到達嵎境 先生再三囑咐勿與不澈底之省方妥洽君須趕速回嵎因是鈕公致王文慶同志之信亦不及投即渡江東歸沿途得報謂 先生已被同志推爲浙東護國討袁軍總司令在東鄉青隱寺設司令部民軍已有三三千集合以餉需爲行軍要素而地方上聯絡亦不可少抵嵎先與敬業社同志高雲帆沈曜黃等籌進行並與胡士俊同志先訪地方士紳承吳君遠願指導在保嬰局召集開會盧枚卿吳仄宇王雪蕉喻雨田袁筠軒諸君均到會磋商僉以茲事體大未有辦法乃與胡士俊王炯武兩同志分途奔走胡王兩同志赴東鄉司令部贊襄軍事將成與鈕公偕生接洽經過面陳成則馳赴滬杭各方接洽俾二三千民軍早有出路不惟增厚討袁力量且可使地方安心比至杭而屈巡按退呂公戴之繼任都

督本省政府局已變多數同志囑本部停止進行余以本省政府局雖變而先生志在討袁袁一日不死吾等責任一日未完而先生討逆之志亦不肯就此中止姑以同志之意作書報告先生當是時黃公膺白殷公鑄夫葛公湛侯張公岳軍等在滬組織浙江都督府駐滬代表機關聯絡西南各省作倒袁之大計畫徐公忍茹意以先生既孤困在嶧而浙省又不容有零星民軍起來非另籌妥善辦法不可因囑成先入駐滬機關辦事可就近從情感上爲先生向本省當道疎通互助不意此時先生在嶧部隊已被防營襲擊祕書錢簡被逮死傷者數十人先生以周岱僧等衛護脫險胡士俊同志在地窖中避難餓四十八小時（按胡同志早年隨徐先烈錫麟留學日本與徐先烈秋女俠及陳先烈英士等從事革命最早實爲吾黨先覺而終不得志平時愛護同志不遺餘力成得參加革命胡同志實爲第一引線盛先烈鍾彥爲成參加革命之第二關係人此同盟會時期也盛於二次革命時爲先生第一犧牲者而胡同志於是役後竟效曼殊大師之所爲且進一步在西湖六通寺削髮受戒去年冬坐化於餘杭瓶簪之永慶寺英雄埋沒嗚呼痛哉值此黨國多難投機分子紛起真心革命之正人淪亡吾知惡劣環境之下救國志士之無抵抗力不得已而趨於消極如胡同志者四萬萬民族中當有千百輩也）先生既脫險以袁逆未死雖受防營之壓迫而氣不少餒仍整殘部在浙東活動繞國討袁軍司令謝震之布告檄文尙不斷的發現於甯紹台各屬誠可謂百折不回者也時呂衡莫永貞諸同志在省以先生孤困在紹甬間終非善策爲聞於省當軸派代表往迎先生至省先生初尙堅持誓必奮鬥到底嗣聞袁

逆殂亡乃從省方代表之請停止軍事工作散其所部惟不願晉省輕車減從與王炯武胡競思兩同志繞道赴滬入醫院養病。先生之討袁經營至此乃告一段落事後不向政府求官亦不爲死難同志請求政府旌恤同志中有請先生向政府商善後者。先生正色而言曰袁氏既死一了百了吾儕革命志在救國與投機者不同生者可各謀生計不可存作做官之想遇國家有難時再來集合再來犧牲至於已經死了的算是他義務已經終了更何必談善後後上海有專辦黨人善後者惟先生一部未與也。先生病略愈季高之母請先生撰季高行述既脫稿復強先生晉京爲季高請卹。先生以討袁時受季母接濟費用甚多季高雖走錯途徑於辛亥光復杭州究爲有功之人况終死於袁家將之手與袁皇帝亂命之下於法統重光之際爲友請求昭雪亦義所當爲乃與季母率同季高之子克華北上咸以駐滬機關正結束亦隨往請卹事了成等南旋。先生留京有以府院顧問諮議徵先生同意者曰我不做官乃在極偏僻處租一寓所靜養從事著述俟佛自序卽脫稿於此時也。

民國六年（西一九一七）五十一歲

先生居北京養病讀書不問政事繼見公民團包圍議院倪嗣冲等組督軍團作亂張勳入京解散國會擁溥儀復辟。先生乃隨褚公慧僧等南下作護法運動時成供職杭州奉先生函召辭職赴滬舊時受先生領導之革命同志復於是全體集合沈文雄同志自蜀東歸與浙講武堂學生裘培心同志等均於是時參加同時並

先烈紹康遺裔鳴濤同志自日本歸國受蔣公介石之命在滬招集同志參加護法及伍公廷芳程公璧光率艦隊南下至粵南方各省繼起國會在粵召集八月開非常會議廣州制定軍政府組織大綱舉 先總理爲大元帥出師北伐 先生在浙紹謀響應以力弱不能發展十二月一日甯波獨立之役 先生部屬在紹屬各路活動有出發者有未出發者甯波失敗 先生部屬亦受一大打擊而後散去

民國七年（西一九一八）五十二歲

先生以護法運動在浙紹方面一再失敗困厄滬濱不能展動五月二十一日廣州非常國會修改軍政府組織大綱爲七總裁制時張公岳軍任廣州軍政府副官長成赴粵爲 先生請接濟過潮汕晤陳佩忍先生於汕頭國風日報謁褚公慧僧等於廣州面請協助時軍政府以蔣公伯器爲浙軍宣撫使因代表 先生往謁蔣公命浙十一舊府屬組織民軍以 先生任紹屬諸暨徐昔我副之成返滬復命 先生分頭策劃命成担任嵊縣卡而成回嵊與王炯武同志等積極籌備冀與各路聯合響應北伐甫就緒而不澈底之和議起乃受絕大之打擊與王炯武同志死亡一部份民軍又以不了了之其他各路亦受同樣壓迫均紛紛回滬 先生至是又與結束討袁時同一困難矣

民國八年（西一九一九）五十三歲

先生既因居上海對北洋軍閥專恣禍國雖痛憤而無法懲之乃復著述自遣往昔研究佛學故開北淨土菴等